

CONVOCATORIA PA LA SELECCIÓN DE PROPUESTES PA LA ELLABORACIÓN D'UN CATÁLOGU DE TALLERES ESCOLARES DIRIXÍOS A CENTROS EDUCATIVOS DEL PRINCIPAU D'ASTURIAS Y PROGRAMACIÓN POSTERIOR EN LLABORAL CIUDÁ DE LA CULTURA

EL PROYECTU.

La Sociedá Pública de Xestión y Promoción Turística y Cultural del Principáu d'Asturies (d'equí p'arriba la SPXP) tien encomendada la xestión de dellos equipamientos culturales, turísticos y deportivos de la rexón, ente ellos Llaboral Ciudá de la Cultura en Xixón.

Esti equipamientu, amás d'ofrecer una programación recurrente de visites guíes, promueve un programa d'actividaes pa escolinos ofreciendo como alternativa fuera del aula a los centros educativos de tola rexón, ente otros proyectos, talleres didácticos que se lleven a cabu nes distintes instalaciones de Llaboral.

La SPXP presenta esta convocatoria de talleres escolares con un oxetivu doble: per un llau, dar a conocer el trabayu de profesionales de dellos ámbitos como la ciencia, la historia, la lliteratura, arquitectura, l'arte, etc. y, per otru, averar a los escolinos y escolines de la rexón una programación d'actividaes didáctiques de calidá que puean valir como complementu a los conteníos que se dan nel aula.

Pa cumplir esti oxetivu faise esta convocatoria pola que se van escoyer talleres de tipoloxíes distintes promovíos por profesionales d'ámbitos diversos, cola mira de formar un catálogu que va valir de base pa la programación de la ufierta escolar de Llaboral pal cursu 2021-2022 (meses de xineru a xunu del 2022), y la del cursu escolar 2022-23.

La sede que va acoyer les actividaes oxetu d'esta convocatoria ye Llaboral Ciudá de la Cultura (Xixón), poniendo a disposición de los y les profesionales interesaes nesti proyectu delles sales, que se van escoyer en función de los requisitos del taller presentáu y de la disponibilidad del espaciu pa cada fecha. Tolos espacios propuestos han cumplir la llexislación vixente en materia de seguranza, la referida a prevención de riesgos llaborales y las midíes decretaes y vixentes en materia de seguranza y prevención del COVID-19 pa la celebración d'actividaes culturales.

1.- OXETU DE LA CONVOCATORIA.

L'oxetu d'esta convocatoria ye la selección de dellos proyectos pa la elaboración d'un catálogu que valga como base pa la programación posterior de distintos talleres escolares que se van facer en Llaboral Ciudá de la Cultura, con reserva previa de los centros educativos, en feches a acordar ente Llaboral y los/es profesionales escoyíos.

Con esta iniciativa quier complementase les programaciones habituales de los centros educativos a partir de la contratación de talleres escolares que se van incluir na programación escolar de Llaboral Ciudá de la Cultura pal cursu 2021-2022 (meses de xineru a xunu del 2022), y el cursu escolar 2022-23.

Con esta convocatoria establécense les bases y requisitos que van rexila, amás d'el procedimientu pa la selección de les propuestas tocante a los principios de publicidá, concurrencia llibre y oxetividá.

2.- PUBLICACIÓN Y PUBLICIDÁ.

Esta convocatoria y bases, igual que la resolución del procedimientu, van publicase na páxina web de Llaboral Ciudá de la Cultura: www.laboralciudadde lacultura.com amás de na web d'Asturies Cultura en Rede: www.asturiesculturaenrede.es, ensin perxuiciu de los medios complementarios de difusión que la SPXP considere usar.

3.- SOLICITANTES.

Van poder participar nesta convocatoria les persones físicas o xurídiques qu'axunten estos requisitos:

- Desenvolver la so actividá principal nel ámbitu de la investigación o programación d'actividaes culturales, didáctiques, educatives o artístiques.
- Tar al corriente de les sos obligaciones tributaries col Estáu y cola Comunidá Autónoma del Principáu d'Asturies, lo mesmo que de les obligaciones cola Seguridá Social.
- Tolos interesaos han tar daos d'alta na Seguridá Social y nel epígrafe correspondiente del Impuestu d'Actividaes Económiques y acreitar la solvencia técnica riquida primero d'entamar les actividaes en casu de que'l proyectu salga seleccionáu.
- Les persones que lleven a cabu l'actividá y tean en contactu colos grupos infantiles, habrán presentar el Certificáu de Delitos de Naturaleza Sexual primero de facer l'actividá.

Esta documentación va haber que lo presentar **desque se notifique que'l proyectu resultó escoyíu**, y primero d'empezar les actividades.

4.- CARACTERÍSTIQUES DE LOS PROYECTOS QUE PUEN PRESENTASE A ESTA CONVOCATORIA.

Les característiques qu'habrán tener les propuestas son estes:

TEMÁTIQUES: Los proyectos van poder tratar sobre cualquier disciplina o temática con vinculación a los conteníos educativos que se dan nos centros escolares: lliteratura, astronomía, matemátiques, tecnoloxíes nueves, ciencia, arte, historia, naturaleza, bioloxía, mediu ambiente, arquitectura, idiomas, etc.

PÚBLICU OXETIVU: Alumnáu de los ciclos d'Infantil / Primaria / Secundaria

NÚMBERU DE PROYECTOS POR PROFESIONAL O ENTIDÁ: El númberu final de proyectos a contratar va venir determináu pel presupuestu máximu disponible. El máximu de propuestas pa concurrir a esta convocatoria por profesional o entidá ye de seis proyectos.

MEDIOS TÉCNICOS Y HUMANOS: Los profesionales o entidaes han poner los medios técnicos (de los que nun disponga la sede) y humanos que seyan menester pa desenvolver l'actividá, amás del material funxible en casu de necesitalo.

TEMPORALIDÁ Y FECHES: Les actividaes van programase a partir de xineru del 2022 y hasta fin del cursu escolar 2021-2022, y nel cursu escolar 2022-23, en feches a acordar ente dambes partes a lo llargo de la xornada llectiva (de llunes a viernes n'horariu de mañana).

En comunicando y difundiendo ente los centros escolares la programación y feches, va dase un plazu de reserva d'hasta 7 díes enantes de la fecha d'execución prevista de l'actividá. En casu de nun facese nenguna reserva por parte de los centros educativos, el taller va anulase ensin qu'haya posibilidá de contraprestación económica nenguna. En casu d'aluerdu mutu u ente les partes, tamién se pue intentar buscar una fecha alternativa p'aplazar l'actividá.

PRESUPUESTU MÁXIMU POR PROYECTU Establezse un preciu máximu por actividá pa presentase a esta convocatoria de 400 € + IVA.

DERECHOS D'EXHIBICIÓN: El profesional o entidá ha tener los derechos de propiedá intelectual pa exhibir o amosar el proyectu que proponga.

5.- PRESENTACIÓN DE SOLICITÚES Y DOCUMENTACIÓN.

La solicitú ha unviase per email al corréu eventos@turismoycultura.asturias.es

En presentándola, el/la solicitante va recibir acuse de recibu per corréu electrónicu.

La hora y fecha tope de presentación de les solicitúes van ser les **12:00 hores del día 28 d'ochobre del 2021**.

Documentación a presentar:

- 1º. Impresu de solicitú, proyectu y presupuestu d'aluerdu col modelu establecíu nel ANEXU I.
- 2º. Declaración responsable d'aluerdu col modelu establecíu nel ANEXU II.
- 3º. Currículum del profesional o la entidá que presenta'l proyectu.
- 4º. Fotografía/es ilustrativa/es del proyectu.
- 5º. Enllaz a videu si se considera.

6.- VALORACIÓN DE LOS PROYECTOS, CATALOGACIÓN Y SELECCIÓN.

La valoración de los proyectos o propuestas presentaes va facese, d'aluerdu colos criterios afitaos nestes bases, dende l'área de Xestión d'Espacios de Llaboral Ciudá de la Cultura, integrada por:

- Lourdes Prendes García-Barrosa, xefa del Área de Xestión d'Espacios de Llaboral Ciudá de la Cultura.
- Verónica Ruiz Gutiérrez, técticu del área de Xestión d'Espacios de Llaboral Ciudá de la Cultura.

Va poder solicitase de los/les interesaos/es cuantes aclaraciones, información o documentación complementario faiga falta pa la valoración correcta de los proyectos.

La resolución va comunicase a los interesaos/es primero del 17 de payares del 2021 y va publicase na web de Llaboral: www.laboralciudadde lacultura.com amás de na web d'Asturies Cultura en Rede: www.asturiesculturaenrede.es

Criterios de valoración. Van calificase les propuestas presentaes como “Aptes” y “Non aptes”, valorando la so adecuación a estos criterios:

-Interés cultural, científicu y/o artísticu del proyectu. Van valorase sobre manera la calidá didáctica y carácter novedosu del proyectu, y va tenese en consideración el grau d'elaboración, detalle y concreción de la propuesta.

Va tenese consideración especial con aquelles propuestas que fomenten la igualdá y la diversidá, qu'usen un llinguaxe inclusivu, que promuevan una mayor visibilidá de la muyer, y/o que propongan discursos dende la identidá de xéneru.

-La formación, esperiencia y trayectoria de los profesionales y entidaes implicaes nel desenvolvimientu de los proyectos.

-Viabilidá técnica, económica y rigor presupuestariu. L'adecuación del preciu al númeru de profesionales involucraos y los medios técnicos y material funxible que s'aporta.

-L'adaptación de los proyectos a los aforos de los grupos qu'avecen a solicitar talleres escolares (los centros avecen a venir n'autobuses de 50 places p'axustar costos).

-La minuciosidá de los protocolos y plan de continxencia pa la prevención del COVID-19.

En valorando tolos proyectos, va publicase un informe indicando qué actividades resultaron "Aptes" y "Non aptes". Colos proyectos consideraos aptos, la SPXP va ellaborar un catálogu que va valir como base pa escoyer los talleres que se van incorporar na programación escolar de Llaboral Ciudá de la Cultura pa los cursos 2021-22 (xineru a xunu del 2022) y 2022-23, y va contactase colos profesionales de los proyectos escoyíos pa encaxar les feches de les actividaes.

La selección de los proyectos que van conformar el programa escolar de Llaboral va facese por cursu, siendo escoyíos nun primer momentu los talleres que van conformar la programación del cursu 2021-22 (xineru a xunu 2022) y a últimos d'esi cursu va confirmase a lo/es distintos profesionales los proyectos que van integrar la programación escolar del cursu 2022-23.

7.- DOCUMENTACIÓN A PRESENTAR POLOS PROYECTOS SELECCIONAOS.

En confirmándose la selección y axudicación del proyectu, los seleccionaos han presentar nel plazu riquíu esta documentación:

- a) Documentos qu'acréiten la personalidá del solicitante. Si'l solicitante fuere persona xurídica ha acreitase presentando la escritura de constitución o modificación, nel so casu, inscrita nel Rexistru Mercantil cuando esti requisitu seya esixible según la llexislación mercantil aplicable. Si esti requisitu nun fuere esixible, la capacidá d'obrar ha realizase cola escritura o documentu de constitución, estatutos o acta fundacional, onde consten les normes poles que se regula la so actividá, inscritos, nel so casu, nel Rexistru Oficial correspondiente. Pa los empresarios individuales y les persones físiques ye obligatoria la presentación de la fotocopia del DNI o documentu que, nel so casu, lu sustituya reglamentariamente. Documentos qu'acréiten, nel so casu, la representación. Los que comparezan o firmen ufiertes en nome d'otru han presentar Documentu Nacional d'Identidá y poder. Esti poder habrá figurar inscrite nel Rexistru Mercantil o, nel so casu, nel Rexistru Oficial correspondiente. Si se trata d'un poder p'actu concretu nun ye menester la inscripción nel Rexistru Mercantil, d'alcuertu col artículu 94.5 del Reglamentu del Rexistru Mercantil.
- b) Acreitación de tar al corriente d'obligaciones tributaries y cola Seguridá Social:
- Impuestu sobre Actividaes Económiques: Alta nun epígrafe rellacionáu col oxetu de la convocatoria referida al exerciciu corriente, o últimu recibu, amás d'una declaración de que nun se dio de baxa na matrícula del impuestu mentáu, o bien certificáu de situación al respective d'esti impuestu emitíu pola Axencia Tributaria.
 - Certificación positiva acreitativa de tar al corriente de les obligaciones tributaries col Estáu espedida pola Axencia Estatal de l'Alministración Tributaria.
 - Certificación positiva del Ente Públicu de Servicios Tributarios del Principáu d'Asturies acreitativa de tar al corriente de les obligaciones tributaries col Principáu d'Asturies.
 - Certificación positiva de tar al corriente de les obligaciones cola Seguridá Social espedida pola Tesorería Xeneral de la Seguridá Social.

NOTA ACLARATORIA:

Van tar quitos de presentar l'impuestu d'actividaes económicques aquellos proyectos escoyíos que s'alcuentren nel supuestu d'exención del impuestu sobre'l valor añedíu que s'establez nel artículu 20. Un. 26º de la Llei 37/1992, de 28 d'avientu, del Impuestu sobre'l Valor Añedíu: "Los servicios profesionales, incluyíos aquellos onde la contraprestación consista en derechos d'autor, prestaos por artistes plásticos, escritores, collaboradores lliterarios, gráficos y fotográficos de periódicos y revistes, compositores musicales, autores d'obres teatrales y d'argumentu, adaptación, guion y diálogos de les obres audiovisuales, traductores y adaptadores".

Las solicitúes que, depués de proponese pa realizar el so proyectu, nun acreíten dientro del plazu establecíu'l cumplimientu de les obligaciones riquies o nun presenten la documentación en plazu, van poder descartase.

8.- FORMALIZACIÓN DE LOS CONTRATOS.

N'acreditando los requisitos de participación van formalizase los contratos correspondientes. El plazu pa la formalización d'estos contratos va depender de les fechas de realización de les actividaes, teniendo siempre que formalizales polo menos 7 díes primero de la fecha en que va facese la primer actividá. El trescurso d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponde-y y la esclusión del proyectu de la programación de Llaboral.

9.- OBLIGACIONES DE LOS PROFESIONALES Y ENTIDAES SELECCIONAES.

En casu de resultar seleccionada la so propuesta, los profesionales o entidaes comprométense a:

- Llevar a cabu'l proyectu nes fechas, hores y términos conveníos.
- Poner a disposición de la SPXP los materiales gráficos y audiovisuales al so algame pa facilitar la promoción y difusión del proyectu.
- Difundir al traviés de los sos medios información sobre l'actividá (web, redes sociales, mailing, etc.) y colaborar cola SPXP na atención a los medios de comunicación en casu de ser necesario.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Presentar el protocolu y plan de contingencia pa la prevención COVID-19.
- Presentar la documentación que resulte d'aplicación según la llexislación vixente en materia de seguridad llaboral y prevención de riesgos llaborales.

10. - ACEPTACION DE LES BASES

La presentación d'un proyectu a esta convocatoria supón l'aceptación automática y completa d'estes bases.